



**Grad Sarajevo**  
**City of Sarajevo**

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
**GRADSKO VIJEĆE**

**ODLUKA**  
**O DAVANJU SAGLASNOSTI GRADONAČELNICI GRADA SARAJEVA ZA**  
**PRIDRUŽENJE CIVITAS MREŽI EVROPSKIH GRADOVA**  
**(PRIJEDLOG)**

**Predlagač:** Gradonačelnica

**Obradivač:** Stručna služba za protokolarne poslove,  
odnose sa javnošću i međunarodnu saradnju

**Sarajevo, juli 2022. godine**

**Adresa:** Hamdije Kreševljakovića 3  
71000 Sarajevo, BiH  
**Tel:** +387 33 216 659  
**Fax:** +387 33 205 874  
**Email:** gsgv@sarajevo.ba  
**Web:** gradskovijece.sarajevo.ba



Na osnovu člana 26. stav 1. tačka 2. i člana 87. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), a u vezi s članom 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Gradsko vijeće Grada Sarajeva, na \_\_. sjednici održanoj \_\_. \_\_. 2022. godine, donijelo je:

**(Prijedlog)**

**Odluku  
o davanju saglasnosti gradonačelnici Grada Sarajeva za pridruženje  
CIVITAS mreži evropskih gradova**

**Član 1.**

Ovom Odlukom Grad Sarajevo se pridružuje CIVITAS mreži evropskih gradova.

**Član 2.**

Saradnja iz člana 1. Odluke uspostavlja se potpisivanjem CIVITAS deklaracije gradova.

**Član 3.**

Gradonačelnica Grada Sarajeva ovlaštena je da u ime Grada Sarajeva potpiše Deklaraciju po stupanju na snagu ove odluke.

**Član 4.**

Ova Odluka stupa na snagu danom donošenja i bit će objavljena u „Službenim novinama Kantona Sarajevo“.

**PREDSJEDAVAJUĆI GRADSKOG VIJEĆA**

**Jasmin Ademović**

Broj:  
Sarajevo,

## OBRAZLOŽENJE

### PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. i članu 87. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojima je propisano da Gradsko vijeće donosi odluke, druge propise i opće akte i daje njihovo tumačenje, odnosno da Grad Sarajevo može pristupati međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom, te da odluku o pristupanju udruženjima, odnosno ostvarivanju saradnje donosi Gradsko vijeće, kao i u članu 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09) kojim je propisano da gradonačelnica za ugovore iz oblasti međunarodne saradnje mora pribaviti saglasnost Gradskog vijeća, u skladu s Ustavom, zakonom i Statutom.

### RAZLOZI DONOŠENJA

Inicijativa CIVITAS je mreža evropskih gradova koju je pokrenula Evropska komisija 2002. godine i koja provedbom brojnih aktivnosti promiče održivu mobilnost kroz umrežavanje, razmjenu dobre prakse, edukaciju i podršku u provođenju mjera i aktivnosti u održivoj mobilnosti.

CIVITAS djeluje u deset tematskih područja i putem brojnih projekata te podržava evropske gradove da uvedu i testiraju ambiciozne i inovativne mjere za unaprjeđenje održive urbane mobilnosti. Kako bi ostvarili svoje ciljeve, gradovi implementiraju integrirani set specifičnih mjera koje su odabrane u skladu s lokalnim uslovima.

Cilj ove mreže je: Ostvariti značajno povećanje udjela različitih modela održivog urbanog transporta; Povećati aktivnu mobilnost i dijeljeni prijevoz; Raditi u partnerstvu s drugima na razvoju i implementaciji politika održive urbane mobilnosti; Pratiti integrirani pristup uključivanjem što je moguće više kategorija instrumenata i mjera CIVITAS-a u politikama gradova.

CIVITAS nudi instrumente i mjere za održiviji sistem gradskog prijevoza, za bolju iskorištenost postojeće cestovne infrastrukture i za promociju korištenja alternativnih prijevoznih modela.

Aktivno učešće u CIVITAS zajednici uključuje: Učešće predstavnika gradova na konferencijama CIVITAS foruma; Konstruktivan i aktivan pristup širenju informacija o inicijativi CIVITAS na lokalnom i državnom nivou; Podnošenje dokumenta sa informacijama o gradu i njegovim politikama mobilnosti, koji će također uključivati informaciju o tome na koji način će kategorije instrumenata i mjera CIVITAS-a biti implementirane i integrirane u gradu.

Dobrobiti priključivanja inicijativi CIVITAS su umrežavanje s drugim evropskim gradovima te razmjena iskustava, osigurana vidljivost i prepoznatljivost putem CIVITAS informativnih kanala te podrška gradskoj upravi putem Političkog savjetodavnog odbora koji nastoji približiti ciljeve Evropske komisije na lokalnom nivou.

Potpisivanjem Deklaracije Grad Sarajevo bi postao član jednog od vodećih programa Evropske unije u postizanju ciljeva održive mobilnosti i prometa. Shodno opredjeljenju Grada Sarajeva da aktivno učestvuje u aktivnostima koje se provode iz oblasti urbane mobilnosti, te u skladu sa usvojenim Planom održive urbane mobilnosti (SUMP) za Sarajevo i Sporazumom o saradnji koji je potpisan između Grada Sarajeva i Ministarstva saobraćaja Kantona Sarajevo, članstvo u CIVITAS-u će otvoriti dodatne mogućnosti i prilike za unaprjeđenje kvaliteta urbane mobilnosti u Sarajevu. Članstvo je besplatno, a do sada je preko 350 gradova potpisalo Deklaraciju.

### SREDSTAVA ZA PROVOĐENJE ODLUKE

Sredstva za provođenje ove odluke nisu potrebna.

## CIVITAS DEKLARACIJA GRADOVA

Inicijativa CIVITAS koju je pokrenula Evropska komisija 2002. podržava ambiciozne evropske gradove da uvedu i testiraju ambiciozne i inovativne mjere za unaprjeđenje održive urbane mobilnosti. Kako bi ostvarili svoje ciljeve, gradovi implementiraju integrirani set specifičnih mjera koje su odabrane u skladu s lokalnim uslovima.

Mi, izabrani politički predstavnici lokalnih vlasti koji se želimo pridružiti CIVITAS mreži kao gradovi članovi, izražavamo našu spremnost da:

- Provedemo ambiciozan plan politike održive urbane mobilnosti, integriramo inovativne mjere, tehnologije i infrastrukturu
- Pružimo podršku i doprinesemo ostvarenju ciljeva Inicijative CIVITAS
- Podijelimo naša iskustva i saznamo o napretku i dostignućima drugih gradova putem učešća u CIVITAS mreži i zajednici

Naš cilj je:

- Ostvariti značajno povećanje udjela različitih modela održivog urbanog transporta
- Povećati aktivnu mobilnost i dijeljeni prijevoz
- Raditi u partnerstvu s drugima na razvoju i implementaciji naših politika održive urbane mobilnosti
- Pratiti integrirani pristup uključivanjem što je moguće više kategorija instrumenata i mjera CIVITAS-a u našim politikama:

Instrumenti i mjere za održiviji sistem gradskog prijevoza:

- Čišća vozila i alternativna goriva, kako u javnom voznom parku tako i među individualnim korisnicima
- Upravljanje mobilnošću u cilju poticanja na promjenu ponašanja i održivo urbano planiranje
- Integrirani pristup određivanja cijene i izdavanja karata u gradskom prijevozu

Instrumenti i mjere za bolju iskorištenost postojeće cestovne infrastrukture:

- Restrukturiranje urbanog prostora i ograničavanje pristupa privatnih motornih vozila (koja uzrokuju zagađenje)
- Pametno upravljanje prijevozom i informacijskim sistemom (ITS)
- Urbana logistika s nultom emisijom

Instrumenti i mjere za promociju korištenja alternativnih prijevoznih modela:

- Visokokvalitetni javni prijevoz
- Promocija hodanja i biciklizma (aktivna mobilnost)
- Korištenje upravljanja mobilnošću i podizanja svijesti o prednostima održive mobilnosti



Svjesni smo da aktivno učešće u CIVITAS zajednici uključuje:

- Učešće predstavnika gradova na konferencijama CIVITAS foruma
- Konstruktivan i aktivan pristup širenju informacija o inicijativi CIVITAS na lokalnom i državnom nivou
- Podnošenje dokumenta sa informacijama o vašem gradu i njegovim politikama mobilnosti, koji će također uključivati informaciju o tome na koji način će kategorije instrumenata i mjera CIVITAS-a biti implementirane i integrirane u vašem gradu.

U ime lokalnih vlasti

Mjesto

---

Datum

---

Ime/prezime/funkcija/ Grad (g-din/gđa)

---

Potpis

---

## Administrativni aneks CIVITAS deklaraciji gradova

### 1. Lokalna vlast

Ime i adresa lokalne vlasti:

---

---

### 2. Kontakt osoba

Ime i informacija o kontakt osobi kojoj će biti dostavljena sva korespondencija:

Ime (g-din/gđa)

---

Prezime

---

Pozicija

---

Adresa

---

---

---

Tel.: \_\_\_\_\_

Fax.: \_\_\_\_\_

E-mail: \_\_\_\_\_

Jezici Materinji jezik \_\_\_\_\_

Strani jezici \_\_\_\_\_